

四庫全書

集部

欽定四庫全書

集部

文忠集卷八至十三

詳校官庶吉士臣范逢恩

檢討臣何思鈞覆勘

總校官降調編修臣倉聖脉

校對官檢討臣錢世錫

謄錄監生臣王尚珏

欽定四庫全書

文忠集卷八

宋 歐陽修 撰

居士集八

古詩二十一首

有贈余以端谿綠石枕與蘄州竹簟皆佳物也余
既喜睡而得此二者不勝其樂奉呈原父舍人聖
俞直講

端谿作出缺月樣
斬州織成雙水

一作錦

紋呼兒置枕展

方簾赤日正午天
無雲黃琉璃光綠玉潤瑩淨冷滑無

埃

一作纖

塵憶昨開封暫陳力
屢乞殘骸避煩劇
聖君哀

憐大臣閔察見衰病
非虛飾猶蒙不使如

一作加

罪去特

許遷官還舊職
選材臨事不堪用
見利無慙惟苟得一

從儼舍

一作屋

居城南官不坐曹門

一作閑

少客自然唯與

睡相宜以懶遭

一作投

閒何愜適從來羸
茶苦疲困况此

煩歎正炎赫少壯喘息人莫聽
中年鼻鼾尤惡聲
癡兒

掩耳謂雷作竈婦驚窺疑釜鳴蒼蠅蠅蠅任緣撲蠹

一作

詩書懶架拋縱橫神昏氣濁一如此言語思慮何由清

嘗聞李白好飲酒欲與鐺杓同生死

一作死生

我今好睡又

過之身與二物為三爾江西得請在旦暮收拾歸裝從

此始終當卷簾攜枕去築室買田清潁尾

夜聞風聲有感奉呈原父舍人聖俞直講

夜半羣動息有風生樹端颯然飄我衣起坐為長歎苦

暑君勿厭初涼君勿歡暑在物猶盛涼歸歲將寒清霜

忽以飛零露亦溥溥霜露

一作四時

本無情豈肯私蕙蘭不

獨草木爾君形安得完擲髮變新白鑑容銷

一作無

故丹

風埃共侵迫心志亦摧殘萬古一飛隼兩曜雙跳丸擾
擾賢與愚流沙逐驚湍其來固如此獨久知誠難服食為
藥悞此言真不刊但當飲美酒何必被輕紉

答梅聖俞大雨見寄

夕雲若頽山夜雨如決渠俄然見青天
燄燄升蟾蜍倏忽陰氣生四面如吹噓
狂雷走昏黑驚電照夔臚搜尋

起龍蟄下擊墓與墟同聲每軒轟雨勢隨疾徐初若浩
莫止俄收閒無餘但挂千丈虹紫翠橫空虛頃刻百變
態晦明誰卷舒豈知下土人水潦沒襟裾擾擾泥淖中
無異鴨與鰭嗟我來京師庇身無弊廬閒坊僦古屋卑
陋雜里閭鄰注湧溝竇街流溢庭除出門愁浩渺閉戶
恐為瀦牆壁豁四達幸家無貯儲蝦蟇鳴窻下老婦但
歛歔九門絕來薪朝爨欲毀車壓溺委性命焉能顧圖
書乃知生堯時未免憂為魚梅子猶念我寄聲憂我居

慰我以新篇琅琅比瓊琚官閒行能薄補益愧空踈歲
月行晚矣江湖盍歸歟吾居傳郵爾此計豈躊躇

答聖俞白鸚鵡雜言

憶昨滁山之人贈我玉兔子粵明年春玉兔

一有死日子字

陽晝出月夜明世言兔子望月生謂此瑩然而白者譬

夫水之為雪而為冰皆得一陰凝結之純精常恨處非

大荒窮北極寒之曠野養違其性天厭齡豈知火維地

荒絕漲海連天沸天

一作火一作炎

熱黃冠黑距人語言有鳥

玉衣尤皎潔乃知物生天地中萬殊難以一理通海中

洲一作州島窮人迹來市廣州纔八國其間注輦來最稀

一作遠此鳥何年隨海舶誰能徧歷海上峰萬怪千奇安

可極兔生明月月在天玉兔不能久人間況爾來從炎

瘴地豈識中州霜雪寒渴雖有飲飢有啄羈紲終知非

爾樂天高海闊路一作終茫茫嗟爾身微羽毛弱爾能識

路知所歸吾欲開籠縱爾飛俾爾歸詫宛陵詩此老詩

名聞四陲

清明前一日韓子華以靖節斜川詩見招遊李園
既歸遂苦風雨三日不能出窮坐一室家人輩倒
殘壺得酒數杯泥深道路無人行去市又遠索於
筐筥一作簞得枯魚乾鰕數種彊飲疾醉昏然便寐
既覺索然因書所見奉呈聖俞

少年喜追隨老大厭諠譁慙愧二三子邀我行看花花
開豈不好時節亦云佳因病既不飲衆歡獨成一作我嗟

管絃暫過耳風雨愁還家三日不出門堆甃類寒鴉妻

兒強我飲餽果與瓜濁酒傾殘壺枯魚雜乾鰕小婢
立我前赤脚兩髻了軋軋鳴雙絃正如艣嘔啞坐令江
湖心浩蕩思無涯寵祿不知報鬢毛今已華有田清潁
間尚可事桑麻安得一黃犢幅巾駕柴車

奉答原甫見過寵示之作

不作流水聲行將二十年吾生少賤足憂患憶昔有罪
初南遷飛帆洞庭入白浪墮淚三峽聽流泉援琴寫得
入此曲聊以自慰窮山間中間永陽亦如此醉卧幽谷

聽潺湲自從還朝戀榮祿不覺鬢髮俱凋殘耳衰聽重
手漸顫自惜指法將誰傳偶欣日色曝書畫試拂塵埃
張斷絃嬌兒癡女遶翁膝爭欲彊翁聊一彈紫微閣老
適我過愛我指下聲泠然戲一作語君此是伯牙曲自古
常歎知音難君雖不能琴能得琴一作其意斯為賢自非
樂道甘寂寞誰肯顧我相留連興闌束帶索馬去却鎖
塵匣包青氈

會飲聖俞家有作兼呈原父景仁聖從

憶昨九日訪君時正見堦前兩叢菊愛之欲繞行百匝
庭下不能容我足折花欲坐時嗅之已醉還家手猶馥
今朝我復到君家兩菊堦前猶對來枯莖槁葉苦風霜
無復滿叢金間綠京師誰家不種花碧砌朱欄敞華屋
奈何來對兩枯株共坐窮簷何局促詩翁文字發天葩
豈比青紅花草木凡草開花數日間天葩無根長在目
遂令我每飲君家不覺長餅卧牆曲坐中年少皆賢豪
莫怪我今雙鬢禿須知朱顏不可恃有酒當歡一作飲且

相屬

依韻奉酬聖俞二十五兄見贈之作

與君結交遊我最先衆人我少既多難君家常苦貧今
為兩衰翁髮白面亦皴念君懷中玉不及市上珉珉賤
易為價玉棄久埋塵惟能吐文章白虹射星辰幸同居
京城遠不隔重闥朝罷二三公隨我如魚鱗君聞我來
喜置酒留逡巡不待主人請自脫頭上巾歡情雖漸鮮
老意益相親窮達何足道古來茲理均

小飲坐中贈別祖擇之赴陝府

無擇

明日君當千里行
今朝始共一樽酒
豈惟明日難重持
試思此會何嘗有
京師九衢十二門
車馬煌煌事奔走
花開誰得屢相遇
盞到莫辭頻舉手
驩情落寞酒量減
置我不須論老朽
奈何公等氣方豪
雲夢正當吞八九
擇之名聲重當世
少也多奇晚方偶
西州政事藹風謠
右掖文章煥星斗
待君歸日我何為
手把鋤犂汝陰叟

奉答聖俞達頭魚之作

吾聞海之大物類無窮極蟲鰕淺水間羸蜋如山積毛

魚與鹿角一脩

一作拾

數千百收藏各有時嗜好無南北

其微

一作小

既若斯其大有一

一作其大固一作大者固

莫測波濤浩渺

中島嶼生頃刻俄而沒不見始悟

一作久始

出背脊有時隨

潮來暴死疑遭謫海人相呼集刀鋸爭剖

一作研

折骨節

駭專車鬚芒

一作牙

佻劍戟腥聞數十里餘臭久乃息始知

百川歸固有含容德潛奇與祕寶萬狀

一作物

不一識嗟

彼達頭微誰傳到

一作偶傳到一作偶傳入

京國乾枯少滋味治

平聲

洗費炮炙聊茲知異物豈足薦佳客一旦辱

一作得

君詩

虛名從此得

京師人不識此魚滄州向防禦見寄以分聖俞辱以詩答

送刁紡推官

一本無二字

歸潤州

翹翹名家子自少能慷慨嘗從幕府辟躍馬臨窮塞是

時西邊兵屢戰輒

一作無功屢

奔潰歸來買良田俛首學東

來家為白酒醇門掩青山對優游可以老世利何足愛

奈何從所知又欲向并代主人忽南遷此計亦

一作乃

中

悔彼在吾往

一作乃

從彼去吾亦退與人交若此可以言

節槩

夜坐彈琴有感二首呈聖俞

吾愛陶靖節有琴常自隨無絃人莫聽此樂有誰知君
子篤自信衆人喜隨時其中苟有得外物竟何為寄謝
伯牙子何須鍾子期

鍾子忽已死伯牙其已乎絕絃謝世人知音從此無
巴魚自躍此事見於書師曠嘗一鼓羣鶴舞空虛吾
恐二三說其言皆過歟不然古今人愚智邈已殊奈何

人有耳不及鳥與魚

二月雪

寧傷桃李花無損杞與菊杞菊吾所嗜惟恐食不足花
開少年事不入老夫目老夫無遠慮所急在口腹風晴
日暖雪初銷踏泥自採籬邊綠

歸田四時樂春夏二首

秋冬二首命
聖俞分作

春風二月三月時農夫在田居者稀新陽晴暖動膏脉
野水泛灩生光輝鳴鳩聒聒居上啄布穀翩翩桑下飛

碧山遠映丹杏發青草暖眠黃犢肥田家此樂知者誰
吾獨知之胡不歸吾已買田清潁上更欲臨流作釣磯
南風原頭吹百草草木叢深茅舍小麥穗初齊雉子嬌
桑葉正肥蠶食飽老翁但喜歲年熟餉婦安知時節好
野棠梨密啼晚鶯海石榴紅轉山鳥田家此樂知者誰
我獨知之歸不早乞身當及彊健時顧我蹉跎已衰老
明妃曲和王介甫作

匈奴以鞍馬為家射獵為俗泉甘草美無常處鳥驚

獸駭爭馳逐誰將漢女嫁呼韓風沙無情貌如玉身行
不遇中國人馬上自作思歸曲推手為琵琶却手琵琶邊人
共聽亦咨嗟玉顏流落死天涯琵琶一作曲却傳來漢家
漢宮爭按新聲譜遺恨已深聲更苦纖纖女手生洞房
學得琵琶不下堂不識黃雲出塞路宣知此聲能斷腸

盆池

西江之水何悠哉經歷瀨石險且回餘波拗怒猶一作獨

涵去澹奔濤擊浪常喧飀有時夜上滕王閣月照淨練

一作綠 無纖埃揚瀾左里在其北無風浪起傳古來老蛟

深處厭窟穴蛇身微行見者猜呼龍漉酒未及祝五采

緊一作照爛高崔嵬忽然遠引千丈去百里水面中分開

收蹤滅跡莫知處但有雨電隨風雷千奇萬變聊一戲

豈一作肯顧溺死為可哀輕人之命若螻螳不止山嶽將

傾頽此外魚鰕何足道厭飫但覺腥盤杯壯哉豈不快

耳目故為守此空牆隈陶盆斗水仍下漏四岸久雨生

莓苔遊魚撥撥不盈寸泥潛日炙愁暴鰓魚誠不幸此

跼促我能決去反徘徊

再和明妃曲

漢宮有佳

美一作

人天子初未識一朝隨漢使遠嫁單于

國絕色天下無一失難再得雖能殺盡王於事竟何益耳目

所及尚如此萬里安能制絕域漢計誠已拙女

美一作色

難自誇明妃去時淚灑向枝上花狂風日暮起飄泊落

誰家紅顏勝人多薄命莫怨春風當自嗟

奉送原甫侍讀出守永興

一作奉送永興
安撫劉侍讀

酌君以荊州魚枕之蕉贈君以宣城鼠須之管酒如長

虹飲滄海筆若駿馬馳平坂愛君尚

一作年

少力方豪嗟

我久衰歎漸鮮文章驚世知

一作聞

名早意氣論交相得

晚魚枕蕉一舉十分當覆盞鼠須管為物雖微情不淺
新詩醉墨時一揮別後寄我無辭遠

哭聖俞

昔逢詩老伊水頭青衫白馬渡伊流灘聲八節響石樓

坐中辭氣凌清

一作高

秋一飲百盞不言休酒酣思逸語

更適河南丞相稱賢侯後車日載枚與鄒我年最少力
方優明珠白璧相報投詩成希深擁鼻謳師魯卷舌藏
戈矛三十年間如轉眸屈指十九歸山丘凋零所餘身
百憂晚登玉墀侍珠旒詩老齏鹽太學愁乖離會合謂
無由此會天幸非人謀頽鬚已白齒根浮子年加我貌
則不歡猶可彊閒屢偷不覺歲月成淹留文章落筆動
九州釜甌過午無饋餉良時易失不早收篋擯一作瓦
礫遺琳瑯薦賢轉石古所尤此事有職非吾羞命也

難知理莫求名聲赫赫掩諸幽翩然素旒歸一舟送子
有淚流如溝

文忠集卷八

欽定四庫全書

文忠集卷九

宋 歐陽修 撰

居士集九

古詩三十首

寄題劉著作義叟家園效聖俞體

嘉子治新園乃在太行谷山高地苦寒當樹所宜木羣
花媚春陽開落一何速凜凜心節竒惟應松與竹毋栽

當暑槿寧種深秋菊菊死抱枯枝槿豔隨昏旭黃楊雖
可愛南土氣常燠未知經雪霜果自保其綠顏色苟不
衰始知根性足此外衆草花徒能悅凡目千金買姚黃
慎勿同流俗

西齋小飲贈別陝州沖卿學

分得黃
字為韻

今日胡不樂衆賓會高堂坐中瀛洲客新佩太守章豈
無芳罇酒笑語共一觴亦有嘉

一作佳

菊叢新苞弄微黃

所嗟時易晚節物已淒涼羣鷺方盛集離鴻獨高翔山

川正搖落行李怯風霜君子樂為政朝廷須雋良歸來
紫微閣遺愛在甘棠

奉答原甫九月八日見過會飲之作

老大惜時節少年輕別離我歌君當和我酌君勿辭豔
豔庭下菊與君吟繞之擷其黃金藥泛此白玉卮君勿
愛此花問君此何時秋風日益高霜露漸離披芳歲忽
已晚朱顏從此衰念君將捨我車馬去有期君行一何
樂我意獨不怡飛兔不戀羣奔風誰能追老驥但伏櫪

壯心良可悲

予作歸鴈亭於滑州後十有五年梅公儀來守是
邦因取余詩刻于石又以長韻見寄因以答之

一作

和滑州公儀龍
圖歸鴈亭長句

風吹城頭秋草黃仰見鳴鴈初南翔秋草風吹春復綠
南鴈北飛聲肅肅城下臺邊桃李蹊憶初披荒手植之
雪消冰解草木動因記鴻

一作欲
記南

鴈將歸時爾來十載

空遺迹飛鴈年年自南北臺傾餘址草荒涼樹老無花

春寂歷東州太守詩尤美組織文章爛如綺長篇大句
琢方石一日都城傳百紙我思古人無不然慷慨一作感槩
功名垂百年沉碑身後念陵谷把酒泣下悲山川一時
留賞雖邂逅後世傳之因不朽

寄題洛陽致政張少卿靜居堂

洛人皆種花花發有時開君家獨種玉種玉產琅玕子
弟守家法名聲聳朝端歲時歸拜慶閭里亦相歡西臺
有道氣自少服靈丸春酒養眉壽童顏如渥丹清談不

倦客妙思喜揮翰壯也已吏隱興餘方掛冠臨風想高
誼懷祿愧盤桓

鬼車

嘉祐六年秋九月二十有八日天愁無光月不出浮雲
蔽天衆星沒舉首嚮空如抹漆天昏地黑有一物不見
其形但聞其聲其初切切淒淒或高或低乍似玉女調
玉笙衆管參差而不齊既而咿咿呦呦若軋若抽又如
百兩江州車回輪轉軸聲啞嘔鳴機夜織錦江上羣鴈

驚起蘆花洲吾謂此何聲初莫窮端由老婢撲燈呼兒
曹云此怪鳥無匹傳其名為鬼車夜載百鬼凌空遊其
聲雖小身甚大翅如車輪排十頭凡鳥有一口其鳴已
啾啾此鳥十頭有十口口挿一舌連一一作喉一口出
一聲千聲百唱更相酬昔時周公居東周厭聞此鳥憎
若讎夜呼庭氏率其屬彎弧俾逐出九州射之三發不
能中天遣天狗從空投自從狗噬一頭落斷頸至今青
血流爾來相距三千秋晝藏夜出如鵩鷃每逢陰黑天

外過乍見火光驚輒墮有時餘血下點污

鳥卧反

所遭之

家家必破我聞此語驚且疑反祝疾飛無我禍我思天地何茫茫百物巨細理莫詳吉凶在人不在物一蛇兩頭反為祥却呼老婢炷燈火捲簾開戶清華堂須臾雲散衆星集夜靜皎月流清光

感二子

黃河一千年一清岐山鳴鳳不再

一作載

鳴自從蘇梅二

子死天地寂默收雷聲百蟲坏戶不啓蟄萬木逢春不

發萌豈無百鳥解言語喧啾終日無人聽二子精思極
搜抉天地鬼神無遁情及其放筆騁豪俊筆下萬物生
光榮古人謂此觀天巧命短疑為天公憎昔時李杜爭
橫行麒麟鳳凰世所驚二物非能致太平須時太平然
後生開元天寶物盛極自此中原疲戰爭英雄白骨化
黃土富貴何止浮雲輕唯有文章爛日星氣凌山岳常
崢嶸賢愚自古皆共盡突兀空留後世名

讀書

吾生本寒儒老尚把書卷眼力雖已疲心意殊未倦正
經首唐虞偽說起秦漢篇章異句讀解詁及箋傳是非
自相攻去取在勇斷初如兩軍一作兵交乘勝方一作多酣

戰當其旗鼓催不覺人馬汗至哉天下樂終日在一作

書

案念昔始從師力學希仕宦豈敢取聲名惟期脫貧

賤忘食日已晡燃薪夜侵旦謂言得志一作意後便可焚

筆硯少償辛苦時惟事寢與飯歲月不我留一生今過
半中間嘗忝竊內外職文翰官榮日清近廩給亦豐美

人情慎所習，耽毒比安宴。漸追時俗流，稍稍學營辦。盃
盤窮水陸，賓客羅俊彥。自從中年來，人事攻百箭。非惟
職有憂，亦自老可歎。形骸苦衰病，心志亦退懦。前時可
喜事，閉眼不欲見。惟尋舊讀書，簡編一作編簡多朽斷。古人
重溫故，官事幸有閒。乃知讀書勤，其樂固無限。少而干
祿利，老用忘憂患。又知物貴久，至寶見百鍊。紛華暫時
好，俯仰浮雲散。淡泊味愈長，始終殊不變。何時乞殘骸，
萬一免罪譴。買書載舟歸築室，一作室潁水岸平生頗論。

述銓次加點竄庶幾垂後世不默死芻豢信哉蠹書魚
韓子語非訕

鵲鵲詞 効王建作

龍樓鳳闕

一作閣

鬱崢嶸深宮不聞更漏聲紅紗蠟燭愁

夜短綠窓鵲鵲催天明一聲兩聲人漸起金井轆轤聞
汲水三聲四聲促嚴粧紅靴玉帶奉君王萬年枝軟風
露濕上下枝間聲轉急南衙促仗三衛列九官放鑰千
官入重城禁籟鎖池臺此鳥飛從何處來君不見潁河

東岸村

一作春

陂闊山禽野鳥常

一作時

嘲啞田家惟聽夏

雞聲

鵲鳩京西村人謂之夏雞

夜夜墮頭耕曉月可憐此樂獨吾知

春戀君恩今白髮

初食鷄頭有感

一本無有感字

六月京師暑雨多夜夜南風吹芡觜凝祥池鎖會靈園

僕射荒陂安可擬

京師費五岳宮及鄭州鷄頭最為佳

爭先園客採新苞

剖蚌得珠從海底都城百物貴新鮮厥價難酬與珠比

金盤磊落何所薦滑臺撥醅如玉醴自慙竊食萬錢厨

湍口飄浮嗟病齒却思年少在江湖野艇高歌菱苕裏
香新味全手自摘玉潔沙磨軟還美一瓢固不羨五鼎
萬事適情為可喜何時遂

一作益

買潁東田歸可結茅臨

野水

雙井茶

西江水清江石老石上生茶如鳳爪窮臘不寒春氣早
雙井芽生先百草白毛囊以紅碧紗十斤茶養一兩芽
長安富貴五侯家一啜猶須三日誇寶雲日注非不精

爭新棄舊世人情豈知君子有常德至寶不隨時變易
君不見建溪龍鳳團不改舊時香味色

贈李士寧

蜀狂士寧者不邪亦不正混世使人疑詭譎非一行平
生不把筆對酒時高詠初如不著意語出多奇勁傾財

解人難去不道名姓

一無上六句

金

一作千

錢買酒醉高樓明

月空床

一作清風

眠不醒一身四海即為家獨行萬里聊乘

興既不採藥賣都市又不點石化黃金進不干公卿退

不隱山林與之游者

一本四字作世之人

但愛其人而莫

一作不見

其術安知其心吾聞有道之士游心太虛逍遙出入

一本

二句止作逍遙太虛

常一作動

與道俱故能入火不熱

一作熱

入水不

濡嘗聞其語

一作吾雖聞其語矣

而未見其人也豈斯人之徒與

不然言不純師行不純德

一作表

而

一本無

滑稽玩

一作傲

世其東方朔之流乎

明妃小引

漢宮諸女嚴粧罷共送明妃溝水頭溝上水聲來不斷

花隨水去不回流上馬即知無返日不須出塞始堪愁

感事四首

老者覺時速閒人知日長日月本無情人心有閒忙努力取功名斷碑埋路傍逍遙林下士丘壠亦相望長生既無藥濁酒且盈觴

空山一道士辛苦學延齡一旦隨物化反言仙已成開

墳見空棺謂已超青冥尸

一作或

解如蛇蟬換骨蛻其形

既云須變化何不任死生

仙境不可到誰知仙有無或乘九班虬或駕五雲車朝
倚扶桑枝暮遊崑崙墟往來幾萬里誰復過諸塗富貴
不還鄉安事富貴歟仙人不見魑魅與為徒人生不
免死魂魄入幽都仙者得長生又云超太虛等為不在
世與鬼亦何殊得仙猶若此何況不得乎寄謝山中人
辛勤一何愚

莫笑學仙人山中苦岑寂試看青松鶴何似朱門客朱
門炙手熱來者無時息何嘗問寒暑豈暇謀寢食彊顏

悅憎怨擇語防仇敵衆欲苦無厭有求期必獲敢辭一
身勞豈塞天下責風波卒然起禍患藏不測神仙雖杳
茫富貴竟何得

新春有感寄常夷甫

余生本羈孤自少已非壯今而老且病何用苦惆悵誤
蒙三聖知貪得過其量恩私未知報心志已凋喪軒裳
德不稱徒自取譏謗豈若常夫子一瓢安陋巷身雖草
莽間名在朝廷上惟余服德義久已慕恬曠矧亦有吾

廬東西正相望不須駕柴車自可策藜杖坐驚顏鬢日
摧頽及取新春歸去來共載一舟浮野水焦陂四面百
花開

昇天檜

青牛西出關老聃始著五千言白鹿去昇天爾來忽已
三千年當時遺迹至今在隱起蒼檜猶依然惟能乘變
化所以為神仙驅鸞駕鶴須臾間飄忽不見如雲烟奈
何此鹿起平地更假草木相攀緣乃知神仙事茫昧真

偽莫究徒自傳雪霜不改終古色風雨有聲當夏寒境清
物老自可愛何必詭怪窮根源

憶焦陂

一本無憶字
注汝陰作

焦陂荷花照水光未到十里聞花香焦陂八月新酒熟
秋水魚肥鱠如玉清河兩岬柳鳴蟬直到焦陂不下船
笑向漁翁酒家保金龜可解不須錢明日君恩許歸去
白頭酣詠太平年

贈許道人

洛城三月亂鸚飛潁陽山中花發時往來車馬遊山客
貪看山花踏山石紫雲仙洞鎖雲深洞中有人人不識
飄飄許子旌陽後道骨仙風本仙胄多年洗耳避世喧
獨卧寒巖聽山溜至人無心不笑心無心自得無窮壽
忽來顧我何慙慙笑我白髮老紅塵子歸為築巖前室
待我明年乞得身

送龍茶與許道人

潁陽道士青霞客來似浮雲去無蹟夜朝北斗太清

一作

虛壇不道姓名人不識我有龍團古蒼壁九龍泉聲一百尺憑君汲井試烹之不是人間香味色

馴鹿

朝渴飲清池暮飽眠深榭慙媿主人恩自非殺身難報德主人施恩不待報哀爾胡為網羅獲南山藹藹動春陽吾欲縱爾山之傍巖崖雪盡飛泉溜澗谷風吹百草香飲泉齧草當遠去山後山前射生戶

留題齊州舜泉

岸有時而為谷海有時而為田虞舜已歿三千年耕田
浚井雖鄙事至今遺迹存依然厯山之下有寒泉向此
號泣于旻天無情草木亦改色山川慘淡生雲烟一朝
垂衣正南面皋夔稷契來聯翩功高德大被萬世今人
過此猶留連齊州太守政之暇鑿渠開沼䟽清漣遊車
擊轂惟恐後衆卉亂發如爭先豈徒邦人知樂此行客
亦為留征軒

山齋戲書絕句二首

蜜脾未滿蜂採花麥壠已深鳩喚

一作叫

雨正是山齋睡

足時不覺花間日亭午

經春老病不出門坐見羣芳爛如雪正當年少惜花時
日日春風吹石裂

嘲少年惜花

紛紛紅蘂落泥沙少年何用苦咨嗟春風自是無情物
肯為汝惜無情花今年花落明年好但見花開人自老
人老不得少花開還更新使花如解語應笑惜花人

出郊見田家蠶麥已成慨然有感

誰謂田家苦田家樂有時車

昌遮切

鳴縑白繭麥熟轉黃

鸛田家此樂幾人知幸獨知之未許歸逢時得寵已逾
分報國無能徒爾為收取玉堂揮翰手却尋南畝把鋤
犁

射生戶

予初至州獵戶
有獻狼豹者

射生戶前日獻一豹今日獻一狼豹因傷我牛狼因食
我羊狼豹誠為害人物縣官賞之縑五疋射生戶持縑

歸為人除害固可賞貪功趨利爾勿為弦弓毒矢無妄
發恐爾不識麒麟兒

戲石唐山隱者

石唐仙室紫雲深潁陽真人此箕心真人已去升寥廓
歲歲巖花自開落我昔曾為洛陽客偶向巖前坐盤石
四字丹書萬仞崖神清之洞鎖樓臺雲深路絕無人到
鸞鶴今應待我來

文忠集卷九

欽定四庫全書

文忠集卷十

宋 歐陽修 撰

居士集十

律詩六十首

送王洎宰藍田

喧喧動車馬共出古都門落日催行客東風吹酒罇樹

搖秦甸綠花入輞川繁若遇西來侶時應問

一作望

故園

徽安門曉望

都門收宿霧佳氣鬱葱葱曉日寒川上青山白霧

一作露

中樓臺萬瓦合車馬九衢通恨之登高賦徒知京邑雄

送孟都官知蜀州

名郎出粉闥佳郡古關西幾驛秦亭盡千山蜀鳥啼朱
輪照耕野綠芋覆秋畦向關應東望雲深隴樹迷

南征回京至界上驛先呈城中諸友

朝雲來少室日暮向箕山本以無心出寧隨倦客還春

歸伊水綠花晚洛橋閒誰有餘樽酒相期一解顏

逸老亭

一本注彭城
公白蓮莊

上相此忘榮怡然物外情池光開小幌山翠入重城野
鳥窺華袞春壺勞耦耕枕前雙鴈沒雨外一川晴解組
金龜重調琴赤鯉驚雖懷安石趣豈不為一作念蒼生

廣愛寺

都人布金地紺宇巋然存山氣蒸經閣鐘聲出國門老
杉春自綠古壁雨先昏應有幽人屐來留石蘚痕

弔黃學士三首 名鑑

麗正讎書久蘭臺約史成迎親就江水厭直出承明世
德無雙譽詩豪第一評風流今損盡響像憶平生

沈約多清瘦文園仍病瘠共疑天上召更欲水邊招金
馬人相弔長沙物易妖秋風吹越樹歸旆自飄飄

自古蘭衰早因令蕙歎深書遺茂陵藁病作越鄉吟蒿
里無春色閩山蔽夕陰空嗟埋玉樹齋志永沉沉

雨後獨行洛北

北闕望南山明嵐雜紫烟歸雲向嵩嶺殘雨過伊川樹
繞芳隄外橋橫落照前依依半荒苑行處獨聞蟬

陪府中諸官遊城南

一本注
西京作

一雨郊圻迥新秋榆棗繁田荒溪溜入禾熟雀聲喧燒
出空搓腹人耕廢廟垣閒追向城客落日隱高原

智蟾上人遊南岳

終日念雲壑南歸心浩然青山入楚路白水望湖田野
渡惟浮鉢山家少施錢到時春尚早收茗綠巖前

送左殿丞

一作直

入蜀

傳聞蜀道難行客若登天紫竹深無路黃花忽見川聞
鳥嗟異域問俗訪耆年欲識京都遠惟應望日邊

秋郊曉行

一作望

寒郊桑柘稀秋色曉依依野燒侵河斷山鴉向日飛行
歌採樵去荷鍾刈

一作治

田歸秣

一作村

酒家家熟相邀白

竹扉

被牒行縣因書所見呈寮友

周禮恤凶荒輶車出四方土龍朝祀雨田火夜驅蝗木
落孤村迥原高百草黃亂鷄鳴古堞寒雀聚空倉桑野
人行饁魚陂鳥下梁晚烟茅店月初日棗林霜瑾戶催
寒侯叢祠禱歲穰不妨行覽物山水正蒼茫

緱氏縣作

亭侯徹郊畿人家巔坂西青山臨古縣綠竹繞寒溪道
上行收穗桑間晚溉畦東皋有深趣便擬卜幽棲

又行次作

秋色滿郊原人行禾黍間雉飛橫斷澗燒響入空山野
水蒼烟起平林夕鳥還嵩嵐久不見寒碧更孱顏

送梅秀才歸宣城

從學方年少還家罄橐金久為江北客能作洛生吟罷
亞霜前稻鉤輈竹上禽歸帆何處落應拂野梅林

鞏縣陪祭獻懿二后回孝義橋道中作

落日漢陵道初寒慘暮颼遙看山口火暗渡洛川橋不
見新園樹空聞引奠簫林鴟棲已定猶一作獨此倦征鑣

送謝學士歸闕

供帳拂朝烟，征鞍去莫攀。
人醒風外酒，馬度雪中關。
舊府誰同在，新年獨未還。
遙應行路者，偏識綵衣斑。

河南王尉西齋

寒齋日蕭索，天外敞簷楹。
竹雪晴猶覆，山窓夜自明。
禽歸窺野客，雲去入重城。
欲就陶潛飲，應須載酒行。

張主簿東齋

官舍掩寒扉，聊同隱者棲。
溪流穿竹過，

一作迥

山鳥入城

啼賓主高談勝心冥外物齊惟應朝枕夢長厭隔鄰一作

林雞

留守相公禱雨九龍祠應時獲澍呈府中同寮

古木鬱沉沉祠亭相袞臨雷驅山外響雲結日邊陰霖

霖來初合依微勢稍深土膏潛動脉野氣欲成霖隴上

連雲色田家擊壤音明光應奏瑞黃屋正焦心帝邑三

川美離宮萬瓦森廢溝鳴故苑紅鷗發青林南畝猶須

勸餘春尚可尋應容後車

一作車後

客時作洛生吟

春日獨遊上林院後亭見櫻桃花奉寄希深聖俞
仍酬遞中見寄之什

昔日尋春地今來感歲華人行已荒徑花發半枯槎高
榭林端出殘陽水外斜聊持一罇酒徙倚憶天涯

獨至香山憶謝學士

一作希深

伊水弄春沙山臨水上斜曾為謝公客徧

一作徧

入楚王

家陰澗初生草春富自落花却尋題石處歲月已堪嗟

春晚同應之偶至普明寺小飲作

偶來林下徑共酌竹間亭積雨添方

一作芳

沼殘花點綠

萍野陰侵席潤芳氣襲人醒禽鳥休驚顧都忘兀爾形

黃河八韻寄呈聖俞

河水激箭險誰言杭葦遊堅冰馳馬渡伏浪卷沙流樹
落新摧岸湍驚忽改洲鑿龍時退鯉漲潦不分牛萬里
通槎漢千帆下漕舟怨歌今罷築故道失難求灘急風
逾響川寒霧不收詎能窮禹跡空欲問張侯

和應之同年兄秋日雨中登廣愛寺閣寄梅聖俞

經年都洛與君交，共許詩中思最豪。
舊社更誰能擁鼻，新秋有客獨登高。
徑蘭欲謝悲零露，籬菊空開乏凍醪。
縱使河陽花滿縣，亦應留滯感潘毛。

晚過水北

寒川消積雪，凍浦漸通流。
日暮人歸盡，沙禽上釣舟。

罷官西京回寄河南張主簿

歸客下三川，孤郵暫解鞍。
鳥聲催暮急，山氣欲晴寒。
已作愁霖詠，猶懷祖帳歡。
更聞溪溜響，疑是石樓灘。

寄西京張法曹

幕府三年客羣居幾日親初分關

一作關

口路猶見洛陽

人攏麥晴將秀田花晚自春向家行漸近豈復倦征輪

離彭婆值雨投臨汝驛回寄張九屯田司錄

投館野花邊羸驂晚不前山橋斷行路溪雨漲春田樹
冷無棲鳥村深起暮烟洛陽山已盡休更望伊川

朱家曲

一本有并引字

朱家曲自許縣北門上赤坂岡分道西行入小路
三十里有村市臨古河商賈之販京師者舟車皆

會此居民繁雜宛然如江鄉予以
事偶至此宿張邱明日遂赴京師

行人傍哀柳路向古河窮桑柘田疇美漁商市井通薪
歌晚入浦舟子夜乘風旅舍孤烟外天京王氣中山川
許國近風俗楚鄉同宿客雞鳴起驅車猶更東

行至樞澗作

霜後葉初鳴羸驂遶澗行川原人遠近禾黍日清明病
質驚殘歲歸塗厭一作壓暮程空林聚寒雀疑已作春聲

送謝希深學士北使

漢使入幽燕風烟兩國間山河持節遠亭障出疆閒征
馬聞笳躍雕弓向月彎禦寒低便面贈客解刀環鼓角
雲中壘牛羊雪外山穹廬鳴朔吹凍酒發一作啓朱顏塞
草生侵磧春榆綠滿關應須鴈北嚮方值使南還

送賈推官赴絳州

白雲汾水上人北鴈南飛行李山川遠風霜草木腓郡
齋賓榻掛幕府羽書稀最有題與客偏思玉麈揮

送張如京知安肅軍

相逢舊從事新命忽臨戎界上山河壯軍中鼓角雄朔
風馳駿馬塞雪射驚鴻試取封侯印何如筆硯功

送威勝軍張判官

北地不知春惟看榆葉新岑牟多武士玉塵重嘉賓野

燐

一作燒

驚行客烽烟入遠

一作幕

塵繫書沙上鴈時寄日

邊人

送同年史褒之武功尉

久作遊邊客常悲入塞笳今茲一尉遠猶困折腰嗟白

馬關中道青天

一作烟

棧外家過秦應弔古惟有故山斜

送祝熙載之東陽主簿

吳江通海浦畫舸候潮歸疊鼓山間響高帆鳥外飛孤
城秋枕水千室夜鳴機試問還家客遼東今是非

鄭十一先輩赴四明幕

一本注初授
洋川辭不行

梁漢褒斜險夫君畏遠遊家臨越山下帆入海潮頭岸
柳行稍盡江尊歸漸秋故鄉看衣錦寧羨李膺舟

送丁元珍峽州判官

一作送
朱處仁

為客久南方西游更異鄉江通蜀國遠山閉楚祠荒
油幕無軍事清猿斷客腸惟應陪主諾不費日飛觴

送楚建中潁州法曹

冠蓋盛西京當年相府榮曾陪鹿鳴宴一作偏識洛陽

生共歎長沙謫空存許劭評堪嗟桃李樹何日見陰成

送王尚恭隰州幕

去國初游宦從軍苦寂寥愁雲帶一作傍城起畫角向山

飄秋勁方馳馬春寒正襲貂遙知為客恨應賴酒盃消

送王尚詰三原尉

初仕便西轅
驪駒兩佩環
山河識天府
風雨度函關
桑柘千疇富人烟
萬井閒欲為京洛詠
應苦簿書閒

送餘姚陳寺丞

最

銅墨佩腰間
中流望若

一作

仙鳴蟬汴河柳
畫鷁越鄉

船下瀨逢江鴈
瞻氛落海鷺
山川仍客思
盡入隱侯篇

送廖八下第歸衡山

曾作關中客
嘗窺百二疆
自言秦隴

一作嶺

水能斷楚人

腸失意倦京國羈愁成鬢霜何如伴征鴈日日向衡陽
夏侯彥濟武陟尉

風烟地接懷井邑富田垓河近聞冰圻山高見雨來官
閒同小隱酒美足銜盃好去東籬菊迎霜正欲開

遠山

山色無遠近看山終日行峰巒隨處改行落不知名

宋宣獻公挽詞三首

望繫朝廷重文推天下工清名畏楊綰故事問胡公物

議垂為相風流頓已窮仁言博哉利獻替有遺忠

識度推明哲風猷藹縉紳何言止中壽遂不秉洪鈞翰
墨時爭寶詞章晚愈新哭哀文伯母悲感路傍人

結綬逢明主馳聲著兩朝奠楹先有夢升屋豈能招贈
服三公袞兼榮七葉貂春風茄鼓咽松柏助蕭蕭

初出真州泛大江作

孤舟日日去無窮行色蒼茫杳靄中山浦轉帆迷向背
夜江看斗辨西東泥田漸下雲間鴈霜日初丹水上楓

蓴菜鱸魚方有味，遠來猶喜及秋風。

江行贈鴈

雲間征鴈水間棲，矰繳方多羽翼微。
歲晚江湖同是客，莫辭伴我更南飛。

松門

已下五首一本
屬夷陵九詠

島嶼松門數里長，懸崖對起碧峰雙。
可憐勝境

一作當景

窮塞，翻使留

一作流

人。應此邦亂石驚灘，喧醉枕淺沙明。

月入船窓，因遊始覺南來遠。行盡荆江，見蜀江。

下牢津

依依下牢口古戍鬱嵯峨入峽江漸曲轉灘山更多白

沙飛白鳥青障

一作嶂

合青蘿遷客初

一作嘗

經此愁詞

作楚歌

龍溪

潺潺出亂峯演漾綠蘿風淺瀨寒難涉危搓路不通朝

雲起潭側飛雨徧江中更欲尋源去

一作上

山深不可窮

勞停驛

孤舟轉山曲，豁爾見平川。
樹杪帆初落，峯頭月正圓。
荒烟幾家聚，瘦野一刀田。
行客愁明發，驚灘鳥道前。

黃溪夜泊

楚人自古登臨恨，暫到愁腸已九回。
萬樹蒼烟三峽暗，滿川明月一猿哀。
非鄉況復驚殘歲，慰客偏宜把酒盃。
行見江山一作山河且吟詠，不因遷謫豈能來。

望州坡

聞說夷陵人為愁，共言遷客不堪遊。
崎嶇幾日山行倦，

却喜坡頭見峽州

文忠集卷十

欽定四庫全書

文忠集卷十一

宋 歐陽修 撰

居士集十一

律詩五十七首

初至夷陵答蘇子美見寄

三峽倚岩崑同一作南遷地最遙物華雖可愛鄉思獨無

聊江水流清嶂猿聲在碧霄野篁抽夏笋叢橘長春條

未臘梅先發經霜葉不凋江雲愁一作愁蔽日山霧晦連

朝斫谷爭收漆梯林闌摘椒巴賓船賈集一作巴江蠻

市酒旗招時節同荆俗民風載楚謠俚歌成調笑一作

撥鬼聚喧囂

夷陵之俗多淫奔又好祠祭每遇祠時里民數百共餞其餘里語謂之撥鬼因此多

成闕訟

得罪宜投裔包羞分折腰光陰催晏歲牢落慘驚

颺白髮新年出朱顏異域銷縣樓朝見虎官舍夜聞鷄

寄信無秋鴈思歸望斗杓須知千里夢長繞洛川橋

冬後三日陪丁元珍遊東山寺

幕府文書日已希清罇歲晏喜相携寒山帶郭穿松路
瘦馬尋春踏雪泥翠蘚蒼崖森古木綠蘿盤石暗深溪
為貪賞物來猶早迎臘梅花吐未齊

送前巫山宰吳殿丞

字照鄰

俊域當年仰下風天涯今日一罇同高文落筆妙天下
清論揮犀服坐中江上掛帆明月峽雲間謁帝紫微宮

山城寂寞少嘉客喜見瓊枝

一作林

慰病翁

龍興寺小飲呈表臣元珍

平日相從樂會文博泉壺馬占朋分罰籌多似昆陽矢
酒令嚴於細柳軍蔽日雪雲猶靨黷欲晴花氣漸氤氲
一罇萬事皆毫末螺贏螟蛉豈足云

縣舍不種花惟栽楠木冬青茶竹之類因戲書七
言四韻

結綬當年仕兩京自憐年少體猶輕伊川洛浦尋芳徧
魏紫姚黃照眼明客思病來生白髮山城春至少紅英
芳叢密葉聊須種猶得蕭蕭聽雨聲

至喜

一作虛白

堂新開北軒手植楠木兩株走筆呈元

珍表臣

為憐碧砌宜佳樹自斲蒼苔選綠叢不向芳菲趣

一作赴

開落直須霜雪見青葱披條泣轉清晨露響葉蕭騷
半夜風時掃濃陰北窓下一枰閒且伴衰翁

戲答元珍

一本下云花時久雨之作

春風疑不到天涯二月山城未見花殘雪壓枝猶有橘
凍雷驚筍欲抽芽夜聞歸鴈生鄉思病入新年

一作鳥聲漸變

知芳節下
意無聊

感物華曾是洛陽花下客野芳雖晚不須嗟

初晴獨遊東山寺五言六韻

日暖東山去松門數里斜山林隱者趣鐘鼓梵王家地

僻遲春節風晴變

一作別

物華雲光漸容與鳥啖已交加

冰下泉初動烟中茗未芽自憐多病客來探欲開花

夷陵歲暮書事呈元珍表臣

一本作元珍判
官表臣推官

蕭條雞犬亂山中時節崢嶸忽

一作歲

已窮遊女髻鬟風

俗古野巫歌舞歲年豐

夷陵俗朴陋惟歲暮祭鬼則男女數百相從而樂飲婦女競為

野服以相遊嬉夷陵俗下一本有古字

平時都邑今為陋敵國江山昔最

雄

三國時吳蜀戰爭於此

荆楚先賢多勝迹不辭携酒問鄰翁夷陵

處士何參居縣舍西好學多知荆楚故事

夷陵書事寄謝三舍人

一作代書寄舍人三丈

春秋楚國西偏境陸羽茶經第一州紫籜青林長蔽日

綠叢紅橘最宜秋道塗處險人多負邑屋臨江俗善酒

臘市漁

一作魚

鹽朝暫合淫祠簫鼓歲無休風鳴燒入空

城響雨惡江崩斷岸流月出行歌聞調笑花開啼鳥亂

鈎輅

一本有訟庭畫地通人語邑政觀風間里謳

峽口

經新歲白玉京中夢舊遊曾是洛陽花下客欲誇

風物向君羞

戲

一作寄

贈丁判官

西陵江口折寒梅爭勸行人把

一作酒

孟須信春風無

遠近維舟處處有花開

寄梅聖俞

一本注夷陵作

青

一作春

山四顧亂無涯雞犬蕭條數百家楚俗歲時多

雜鬼蠻鄉

一作風

言語不通華繞城江急舟難泊當縣山

高日易斜擊鼓踏歌成夜市邀龜卜雨趑燒

一作春

奮叢

林白晝飛妖鳥庭砌非時見異花惟有山川為勝絕寄
人堪作畫圖誇

離峽州後回寄元珍表臣

一本作元珍判官表臣推官

經年遷謫厭荆蠻惟有江山興未闌醉裏人歸青草渡

夢中船下武牙灘野花零落

一作亂

風前亂

一作舞

飛雨蕭

條江上寒荻筍時魚方有味恨無佳客共盃盤

再至西都

一作寄謝希深

伊川不到十年間，魚鳥今應怪我一作我字還。浪得浮名銷

壯節，羞將

一作看

白髮見

一作對

青山野，花向客開如

一作異花

向我情猶

笑芳草，留人意自閒。却到

一作行至

謝公題壁處，向風

清淚獨

一作臨風清淚落

潺潺

過錢文僖公白蓮莊

城南車馬地，行客過徘徊。野水寒猶入，餘花晚自開。命

賓曾授簡，開府最多才。今日西州路，何人更獨來。

謝公挽詞三首

始見行春旆俄聞引葬簫笑言猶在耳魂魄遂難招
天象奎星暗詞林玉樹凋朔風吹霰雪銘旌共飄飄

前日賓齋宴今晨奠柩觴死生公自達存沒世徒傷
舊國難歸葬餘貲不給喪平生公輔志所得在文章

樂事與良辰平生愛洛濱泉臺一閉夜蒿里不知春
翰墨猶新澤圖書已素塵堪憐寢門哭猶有舊時賓

愁牛嶺

邦人盡

一作自

說畏愁牛

一作牛愁

不獨牛愁我亦愁終日下

一作遠

山行百轉却從山脚望山頭

寄子山待制二絕

一本後篇作別鎮陽寄沈待制

留滯西山獨可嗟殘春過盡始還家落花縱有那堪醉

一作看

何況歸時無落花

聞君屢醉賞紅英落盡殘花酒未醒嗟我落花無分看

莫嫌狼籍掃中庭

寄秦州田元均

由一作近來邊將用儒臣坐以威名撫漢軍萬馬不嘶聽

號令諸蕃無事著一作樂耕耘夢回夜帳聞羌笛詩就高

樓對隴一作暮雲莫忘一作望鎮陽遺愛在一作地北潭桃李

正氤氲一作春深桃李正細細

送沈待制陝西都運邀

幾歲瘡痍近息兵經營方喜得時英從來漢粟勞飛輓

當使秦人自戰耕道左旌旗諸將列馬前弓一作冠劒六

蕃迎知君材力多閒暇剩聽陽關醉後聲

藥城遇風効韓孟聯句體

歲暮氛霾惡冬餘氣候爭吹噓回煖律號令發新正遠
響來猶漸狂奔勢益橫顏城鏖戰鼓掠野過陰兵掃蕩
無餘霽顛摧鮮立堊五山搖岌業九鼎沸煎烹玉石焚
岡裂波濤卷海傾遙聽午合市爭呼夜驚營慘極雲
無色陰窮火自生電鞭時若劃雷軸助喧轟孔竅千
聲出陰幽百怪呈狐妖憑莽蒼鬼焰走青熒奮怒神增
悚中休耳暫清胡兵占月暈江客侯鼉鳴飄葉千艘失

飛空萬瓦輕獵豪添馬健舶穩想帆征畏壓頻移席陰
祈屢整纓凍消初醒蟄枯活欲抽萌病體愁山館春寒
賴酒鎗雞號天地白登壠看晴明

過中渡二首

中渡橋邊十里堤寒蟬

一作梅

落盡柳條衰年年塞下春

風晚誰見輕黃弄色時

得歸還自歎淹留中渡橋邊柳拂頭記得來時橋上過
斷冰殘雪滿河流

自河北貶滁州初入汴河聞鴈

陽城淀裏新來鴈趁伴南飛逐

一作何事
來隨南

越船野岸柳

黃霜正白五更驚破客愁眠

自勉

引水澆花不厭勤便須已有鎮陽春
官居處處如郵傳
誰得三年作主人

席上送劉都官

都城車馬日喧喧雖有離歌不慘顏
豈似客亭臨野岸

暫留罇酒對青山
天街樹綠騰歸騎
玉殿霜清綴晚班
莫忘西亭曾醉處
月明風溜響潺潺

寄劉都官

別後山光寒更綠
秋深酒美色仍清
繞亭黃菊同君種
獨對殘芳醉不成

書王元之畫像側

在瑯琊山

偶然來繼前賢迹
信矣皆如昔日言
諸縣豐登少公事
一家飽煖荷君恩
想公風采常如在
顧我文章不足論

名姓已光青史上
辟間容貌任塵昏

公貶滁州謝上表云諸縣豐登苦無

公事一家飽
暖共荷君恩

送京西提刑趙學士

題輿嘗屈佐留京
攬轡今行

一作來

按屬城楚館尚看淮

月色嵩雲應過虎
關迎春寒酒力風中醒
日暖梅香雪後清
野俗經年留惠愛
莫辭臨別醉冠傾

寄題宜城縣射亭

作邑三年事事勤
宜城風物自君新
已能為政留遺愛

何必栽花遺後人
藹若芝蘭芳可襲
溫如金玉粹而純
友朋欣慕自如此
何況斯民父母親

豐樂亭遊春三首

綠樹交加山

一作新
陰野

鳥啼晴風蕩漾落

一作晚晴
斜日雜

花飛

鳥歌花舞太守醉明日

一作月

酒醒春已

一作色歸

春雲淡淡日輝輝
草惹行襟絮拂衣
行到亭西逢太守
籃輿酩酊插花歸

紅樹青山日欲斜
長郊草色綠無涯
遊人不管春將老

盡一作

來往

一作空遠

亭前踏落花

謝判官幽谷種花

淺深紅白宜相間
先後仍須次第栽
我欲四時携酒去
莫教一日不花開

畫眉鳥

一作郡齋聞百舌

百轉千聲隨

一作任

意移山花紅紫樹
高低始知鎖向金

籠聽不及林間自在啼

懷嵩樓新開南軒與郡僚小飲

繞郭雲烟

一作閣
烟雲

匝幾重昔人曾此感懷嵩霜林落後

山爭出野菊開時酒正濃解帶西風飄畫角倚欄斜日

照青松會須乘醉携嘉客踏雪來看羣玉峯

送張生

一別相逢十七春顏顏衰髮互相詢江湖我再為遷客

道路君猶困旅人老驥骨竒心尚壯青松歲久色逾新

山城寂寞難為禮

一作客

濁酒無辭舉爵頻

田家

綠桑高下映平川
賽罷田神笑語諠
林外鳴鳩春雨歇
屋頭初日杏花繁

別滁

花光濃爛柳輕明
酌酒花前送我行
我亦且

一作
抵如常

日醉莫教絃管作離聲

答謝判官獨遊幽谷見寄

閒道西亭偶獨登
悵然懷我未忘情
新花自向遊人笑
啼鳥猶為舊日聲
因拂醉題詩句在
應憐手種樹陰成

須知別後無由到莫厭頻携野客行

招許主客

欲將何物招嘉客惟有新秋一味涼更一作靜掃黃庭寬

閒一作百畝少容明月放吐一作清光樓頭破鑑看將滿甕

面浮蛆撥已香仍一作更約多為詩準備共防梅老敵難

當

金鳳花

憶繞朱欄手

一作喜

自栽綠

一作繁

叢高下幾番開中庭雨

過無人迹狼籍深紅點綠苔

鷺鷥

風格孤高塵外物性情閒暇水邊身盡日獨行溪淺處
青苔白石見纖鱗

野鵲

鮮鮮毛羽耀朝輝紅粉牆頭綠樹枝日暖風輕言語軟
應將喜報主人知

木芙蓉

種處雪消春始動
開時霜落鴈初過
誰栽金菊叢相近
織出新番蜀錦窠

樵者

雲際依依認舊林
斷崖荒磴路難尋
西山望見朝來雨
南澗歸時渡處深

詠雪

至日陽初復
豐年瑞遽臻
颺飗初未積
散漫忽無垠
萬木青烟滅
千門白晝新
徃來衝更高
下著何勻
望好

登長榭平堪走畫輪馬寒毛縮蝟弓勁力添鈞客醉看

成眩兒嬌

一作驕

咀且顰虛堂明永夜高閣照清晨樹石

詩翁對川原獵騎陳凍狐迷舊穴飢

一作饑

雀噪空囷此

土偏宜稼而予濫長人應須待和暖載酒共行春

送楊先輩登第還家

解榻方欣待雋英掛帆千里忽南征錦衣白日還家樂

鶴髮高堂獻壽榮殘雪楚天寒料峭春風淮水浪崢嶸

知君歸意先飛鳥莫惜停舟酒屢傾

一作餞行

初至潁州西湖

一作到潁治事之明日行西湖上

種瑞蓮黃楊

一作

因與郡官小酌其上聊書所見

寄淮南轉運呂度支發運許主客

平湖十頃碧琉璃四面清陰乍合時柳絮已將春去遠

海棠應恨我來遲啼

一作鳴

禽似與遊人語

一本作好

明月閒

撐野

一作小

艇隨每到最佳堪樂處却思君共把芳卮

三橋詩

皇祐元年新作三橋而名之既而又為之詩

朱攔明綠水古柳照斜陽何處偏宜望清漣對女郎

青連

閣名後改作去思堂

右宜遠

鳴騶入遠樹飛蓋渡長橋水濶鷺雙起波明魚自跳

右飛蓋

輕舟轉孤嶼幽浦漾平波回看望佳處歸路逐漁歌

右望佳

答通判呂太博

千頃芙蕖蓋水平

郡伯荷花四望極目

揚州太守舊多情畫盆圍

處花光合

予嘗採蓮千朵挿以畫盆圍繞坐席

紅袖傳來酒令行

又嘗命坐客傳

花人摘一葉葉盡
處飲以為酒令

舞踏落暉留醉客歌遲檀板換新聲

如今寂寞西湖上雨後無人看落英

祈雨曉過湖上

清晨驅馬思悠然渺渺平湖碧玉田曉日未昇先起霧

綠陰

一本作雲

初合自生烟身閒始覺時光好春去猶餘物

色妍更待四郊甘雨足相隨簫鼓樂豐年

文忠集卷十一

欽定四庫全書

文忠集卷十二

宋 歐陽修 撰

居士集十二

律詩五十六首

送

一作寄

謝中舍二首

滁南

一作陽

幽谷抱山斜我鑿清泉子種花故事已傳遺

傳一作父

留

老說世人今

一作分

作畫圖誇金閨引籍子方壯

白髮盈簪我可嗟試問弦歌為縣政

一作意

何如樽俎樂

無涯

喜聞嘉譽諒淮壖又看吳

一作送征

帆解畫船隴畝遺民談

舊政江山餘思入新篇人生白首

一作憂傷白髮

吾今爾仕路

一作官

青雲子勉旃舉棹南風吹酒醒離觴莫惜少

一作更

留連

酬張器判官泛溪

園林初夏有清香人意乘閒味愈長日暖魚跳波面靜

風輕鳥語樹陰涼野亭飛蓋臨芳草曲渚迴舟帶夕陽
所得平時為郡樂况多嘉客共銜觴

西園石榴盛開

荒臺野徑共躋攀正見榴花出短垣綠葉晚鸚啼處密
紅房初日照時繁最憐夏景鋪珍簟尤愛晴香入睡軒
乘興便當携酒去不須旌騎擁車轅

西湖戲作示同遊者

一作初
泛西湖

菡萏香清

一作綠
菱紅蓮

畫舸浮使君寧

一作
不

復憶揚州都將

二十四橋月換得西湖十頃秋

夢中作

夜涼吹笛千山月路暗迷人百種花棋罷不知人換世
酒闌無奈客思家

秀才歐世英惠然見訪於其還也聊以贈之

相逢十年舊暫喜一樽同昔日青衫令今為白髮翁俟

時君子守

一作處

求士有司公況子之才美焉能久困窮

送揚君之任永康

劍峯雲棧未嘗行
圖畫曾看已可驚
險若登天懸鳥道
下臨無地瀉江聲
折腰莫以微官耻
為政須通異俗情
況子多才兼美行
薦章期即達承明

紀德陳情上致政太傅杜相公二首

一云與丞相
太傅杜公唱

和一十二首
自此而下

儉節清名世絕倫
坐令風俗可還淳
貌先年老因憂國
事與心違始乞身
四海儀刑瞻舊德
一樽談笑作閒人
鈴齋幸得親師席
東向時容問治民

事國一心勤以

且一作

瘁還家五福壽而康風波已出憑

忠信松柏難凋耐雪霜昔日青衫遇知己今來白首再升堂里門每入從千騎賓主俱榮道路光

太傅杜相公索聚星堂詩謹成

一本云太傅相公寵答佳篇仍索拙

詩副本謹吟成
四韻以叙鄙懷

楚肆固知難銜玉孔門安敢輒論詩藏之什襲真無用

報以雙金豈所

一作自

宜已恨語言多猥冗況因盃杓

一作

酌正淋漓願投几格資咍噓欲展須於欲睡時

和太傅杜相公寵示之作

一本屢賜嘉篇褒惜謹依元韻聊述媿佩之意

平生孤拙荷公知敢向公前自銜詩憂患飄流誠已甚
文辭衰落固其宜非高僅比巴音下少味還同魯酒漓
兩辱嘉篇永為寶豈惟榮耀詫當時

太傅杜相公有答兗州待制之句其卒章云獨無
風雅可流傳因輒成

一本作因成四韻

南都已見成新集東魯休嗟未作詩霖雨曾為天下福
甘棠何止郡人思元劉事業時無取姚宋篇章世不知

二美惟公所兼有後生何者欲攀追

依韻答相公寵示之作

一本云伏蒙寵示佳篇以不赴東園之會某亦經春

多病誠有可嗟謹依元韻輒紓鄙素一本於經春多病下又有略無少暇四字

醉翁豐樂一閒身憔悴今來汴水濱每聽鳥聲知改節

因吹柳絮惜殘春

蓋經春罕見花也

平生未省降詩敵

近數和難韻甚

覺牽彊

到處何嘗訢酒巡壯志銷磨都已盡看花翻作飲

茶人

依韻和杜相公喜雨之什

歲時豐儉若循環天幸非由一作拙政然一雨雖知為

美澤三登猶未一作補凶年京東累歲不熟桑陰蔽日交垂路

麥穗含風秀滿田千里郊原想如畫正宜携酒望晴川

謝太傅杜相公寵示嘉篇

凜凜節奇霜澗柏昭昭心瑩玉壺冰正身尚可清風俗

當暑何須厭鬱蒸塵柄屢揮容一作曾請益龍門雖峻忝

先登立朝行已師資久寧止篇章此服膺

答杜相公寵示去思堂詩

當年丞相倦洪鈞，弭節初來潁水濱。惟以琴樽樂嘉客，
能將富貴比浮雲。西溪水色春長綠，北渚花光暖一作老

自薰

去思堂存北渚之北臨西溪溪晏公所開也

得載公詩播人口，去思從此

四夷聞

答太傅相公見贈長韻

蹤跡本羈單，登門二十年。平生任愚拙，自進耻因緣。憂
患經多矣，疲駑尚勉旃。凋零鶯谷友，修與尹師魯蘇子美同出門下惟

悴鴈池邊。忽忽良時失，區區俗慮闌。公齋每偷暇，師席

屢攻堅善誨常

一本作當

無倦餘談亦可編

每接公論議皆立朝行己之節

至於談笑之節亦多記朝廷故事皆可紀錄以貽後生

仰高雖莫及希驥豈非賢

報國如乖願歸耕寧買田期無辱知己肯逐利名遷

借觀五老詩次韻為謝

一本注云即丞相杜公太子賓客王渙光祿卿畢世

長兵部郎中朱貫尚書郎馮平

脫遺軒冕就安閒笑傲丘園縱倒冠白髮憂民雖種種

丹心許國尚桓桓鴻冥得路高難慕松老無風韻自寒

聞說優游多倡和新篇何惜盡

一作為

傳

一作畫圖

看

答杜相公惠詩

一本云近以藥苗茶具為獻伏蒙報以嘉篇云云謹於別韻課成一

首

藥苗本是山

一作仙

家味茶具偏於野客宜敢以微誠將

薄物少資清興入新詩言無俗韻精而勁筆有神鋒老

更奇二寶收藏傳百

一作在

世豈惟榮耀詫當時

去思堂手植雙柳今已成陰因而有感

曲欄高柳拂層簷却憶初栽映碧潭人昔共遊今孰在
樹猶如此我何堪壯心無復身從老世事都銷酒半酣

後日更來知有幾攀條莫惜駐征驂

和陸子履再遊城西李園

京師花木類多奇常恨春歸人不歸
車馬喧喧走塵土園林處處鎖芳菲
殘紅已落香猶在羈客多傷涕自揮
我亦悠然無事者約君聯騎訪郊圻

內直對月寄子華舍人持國廷評

一作呈
原父

禁署

一作省

沉沉玉漏傳月華雲表溢金盤
纖埃不隔光

初滿萬物無聲夜向闌
蓮燭燒殘愁夢斷
蕙爐薰歇覺

衣單水精宮鎖黃金闕故比人間分外寒

答子華舍人退朝小飲官舍

一作和子華朝退
寒甚陪諸公飲

玉階朝罷卷晨班官舍相留一笑間與世漸疎嗟已老

一作緣
老態

得朋為樂偶偷閒紅牋搦管吟紅藥綠酒盈樽

舞綠鬟自是風情年少事多慙白髮與蒼顏

內直晨出便赴奉慈齋宮

一作宿

馬上口占

一本云
呈子華

子
履

凌晨更直九門開驅馬悠悠望禁街霜後樓臺明曉日

天寒烟霧著宮槐
山林未去猶貪寵
樽酒何時共放懷
已覺蕭條悲晚歲
更憐衰病怯清齋

景靈朝謁從駕還宮

琳館清晨藹瑞氛
玉旒朝罷奏韶鈞
綠槐夾路飛黃蓋
翠輦鳴鞘向一作紫宸
金闕日高猶泣露
綵旗風細不驚塵
自慙白首追時彥
行近儲胥忝侍臣

憶滁州幽谷

滁南一作豐山幽谷抱千峯
高下山花遠近紅
當日辛勤皆

手植而今開落任春風
主人不覺悲華髮
野老猶能說醉翁
誰與援琴親寫取
夜泉聲在翠微中

和韓學士襄州聞喜亭置酒

一作和欽聖學士
聞喜置酒即事

截薛高城漢水邊
登臨誰與共躋攀
清川萬古流不盡
白鳥雙飛意自閒
可笑沉碑憂岸谷
誰能把酒對江山
少年我亦曾遊目
風物今思一夢還

寄題梅龍圖滑州溪園

一作西溪

聞說溪園景漸佳
遙知清興已無涯
飲闌歸騎多

一作月

乘月雪後尋春自探花百轉黃鸝消永日雙飛白鳥避

鳴笳平生喜接君酬

一作嗟予每許陪高

唱不得樽前詠落霞

奉使道中五言長韻

初旭

一作日

瑞霞烘都門祖帳供親持使者節曉出大明

宮城闕青煙起樓臺白霧中繡韉

一作鞍

驕躍躍貂袖紫

蒙蒙朔野驚飈慘邈城畫角雄過橋分一水回首羨南

鴻地里山川隔天文日月同兒童能走馬婦女亦腰弓

度險行愁失盤高路欲窮

一作斗絕誇天險高盤畏路窮

山深聞喚鹿

林黑自生

一作成

風松壑寒逾響冰溪

一作溪流

咽復道望平

愁驛迫野曠覺天穹駿足來山北輕禽出海東合圍飛

走盡移帳水泉空講信鄰方睦尊賢禮亦隆

一作研

冰

燒酒亦凍

一作研

膾縷霜紅百草經春在黃沙盡日濛新

年風漸變歸路雪初融祇事須彊力嗟予乃病翁深慙

漢蘇武歸國不論功

奉使契丹初至雄州

一作過塞

古關衰柳聚寒鷗駐馬城頭日欲斜

一作駐馬關頭見落霞

猶去

西樓二千里行人到此莫思家

奉使契丹回出上京馬上作

紫貂裘暖朔風驚潢水冰光射日明笑語同來向公子
馬頭今日向南行

送渭州王龍圖

漢軍

一作兵

十萬控山河玉帳優游暇日多陰國從來懷

信義廟堂今不用干戈吟餘畫角吹殘月醉裏紅燈炫
綺羅此樂直須年少壯嗟余心志已蹉跎

李留後家聞箏坐上作

余少時嘗聞一鉤容老樂工箏聲與時人所彈絕異

云是前朝教坊舊聲其後

不復聞至此始復一聞也

不聽哀箏二十年忽逢纖指弄鳴絃
絳蠶巧嚙花間舌
嗚咽交流水下泉嘗謂此聲今已絕
問渠從小自誰傳
樽前笑我聞彈罷白髮蕭然涕泫然

送鄆州李留後

北州遺頌藹嘉聲東土還聞政有成
組甲光寒圍夜帳
練旗風暖看春耕
金釵墜鬢分行立
玉塵高談四坐傾

富貴常情誰不羨愛君風韻有餘清

子華學士倬直未滿遽出館伴病夫遂當輪宿輒

成拙句奉呈

萬釘寶帶爛腰鐶賜

一作錫

宴新陪一笑歡金馬並遊年

最少玉堂初直夜猶寒自嗟零

一作流

落凋顏鬢晚得飛

翔接羽翰今日遽聞催遞宿不容多病養衰殘

禮部貢院閱進士就試

自此而下二十首皆禮部貢院唱和一本云凡二十

二首蓋二

首見外集

紫案焚香暖吹輕廣庭清曉席羣英無譁戰士銜救勇
下筆春蠶食葉聲鄉里獻賢先德行朝廷列爵待公卿

自慙衰病心神耗賴有羣公鑒裁

一作擇又作識精

和梅聖俞元夕登東樓

遊豫恩同萬國懽新年佳節候初還華燈爍爍春風裏

黃傘亭亭瑞霧間可愛清光澄夜色遙知喜氣動天顏

自憐曾預

一作與

稱觴列獨宿冰廳夢帝闕

再和

禁城車馬夜喧喧
閑繞危欄

一作樓

去復還遙望
觚稜烟

霑外似聞天樂夢
魂間豈無罇酒當
佳節況有朋歡慰
病顏待得歸時花
在否春禽簷際已
關關

又和

憑高寓目偶乘閒
袷服遊人見徃還
明月正臨雙闕上

行歌遙聽九衢間
黃金絡

一作束

馬追朱憶紅燭
籠紗照

玉顏與世漸

一作已

踈嗟老矣佳辰樂
事豈相關

憶鶴呈公儀

一作和公儀憶鶴

一笑相驩

一作從

樂得朋誦君雙鶴句尤清高懷自喜凌

雲格俗耳誰思警露聲所好與時雖異趣累心於物豈

非情歸休約我携琴去共看婆娑舞月明

答王禹玉見贈

一作和禹玉書事

昔時叨入武成宮曾看揮毫氣吐虹夢寐閒思十年舊

一作事

笑談今此一罇同喜君新賜黃金帶顧我宜為白

髮翁自古薦賢為報國幸依精識士稱公

答王內翰范舍人

一本云叙懷謝景仁禹玉

相從一笑歡無厭，屢獲新篇喜可涯。自昔居前誚穠穠，

幸容相倚媿兼葭。白麻詔令追三代，

一本注禹王年

青

史文章自一家

一本注景仁修撰又同書局

我亦諫垣新忝命，君恩

未報髮先華

禹王新除學士景仁新兼修撰

戲答聖俞持燭之句

辱君贈我言，雖厚聽我酬。君意不同病，眼自憎紅蠟燭。
何人肯伴白鬚翁？花時浪過如春夢。酒敵先甘伏下風，
惟有吟哦殊不倦。始知文字樂無窮。

小桃

一作和公儀正月桃

雪裏花開人未知
摘來相顧共驚疑
便當索酒花前醉
初見今年第一枝

戲書

支離多病歎衰顏
賴得

一作有

羣居一笑歡人老
思家甚

年少身閒泥酒過
春寒來時御柳

一作水

天街凍歸去梨

花禁蘂殘縱使開
門佳節晚未妨
雙鶴舞霜翰

一作朝鎖漢臺

空帳望欲將
春恨託飛翰

春雪

一本上有
和聖俞字

逗曉

一作戶

風聲惡褰簾雪勢斜應憐未歸客故勒欲開

花病思寒添睡春愁夢在家誰能慰寂寞惟有酒如霞

和梅公儀嘗茶

溪山擊鼓助雷驚逗曉靈芽發翠莖摘處西旗香可愛
貢來雙鳳品尤精寒侵病骨惟思睡花落春愁未解醒
喜共紫甌吟且酌羨君蕭洒有餘清

和較藝書事

一作奉答禹
玉再示之作

相隨懷詔下天閣一鎖南宮隔幾旬玉塵清談消永日
金樽美酒惜餘春杯盤錫粥春風冷池館榆錢夜雨新
猶是人間好時節歸休過我莫辭頻

和一作戲答公儀贈白一本無鵬字

梅公憐我髭如雪贈以雙禽一作鵬意有云但有尋常思

白兔便疑不解醉紅裙吟齊雖喜留閑客野性寧忘在嶺
雲我有銅臺方尺瓦慙非玉案欲酬君

再和用其韻一作依韻
再答公儀白鵬

佳翫能令百事忘
豈惟閒伴倒餘缸
珍竒來自海千里
皎潔明如壁一雙
日暖朝籠青石砌
春寒夜宿碧紗窓
蠻烟瘴霧雖生處
何必區區憶陋邦

和聖俞春雨

簷瓦蕭蕭雨勢踈
寂寥官舍與君俱
身遭鎖閉如鸚鵡
病識陰晴似鵓鴣
年少自愁花爛熳
春寒偏著老肌膚
莫嫌來往傳詩句
不爾須當泥酒壺

出省有日書事

凌晨小雨壓塵輕閒憶登高望禁城樹色連雲春決滯
風光著草日晴明看榆吐英驚將落見鵲移巢忽已成
誰向兒童報歸日為翁寒食少

一作且

留錫

和一本有禹玉字較藝將畢

槐柳來時綠未勻開門節物一番新踏青寒食追遊騎
賜火清明忝侍臣拂面蜘蛛占喜事入簾蝴蝶報家人
莫嗔年少思歸切白髮衰翁尚惜春

在李賀詩

喜定號和禹玉內翰

用其韻一作和禹玉喜定號

衡鑒慙叨選英豪此所鍾古今參雅鄭善惡雜臯共揮
翰飄飄思懷竒落落胸披文驚可畏奏下始開封但喜

真才得寧

一作何

虞橫議攻欲知儒學盛首善本三廳

和出省

國朝之制禮部考定卷子奏上字號差臺官一人折封出榜一作和公儀上馬有作

僮奴

一作奴僮

襍被莫相催待報霜臺御史來晴放便當聯

騎去春風任放百花開文章紙貴爭

一作看

馳譽朝野人

言慶得才共向丹墀侍

一作待

臨選莫驚鱗鬣化風雷

文忠集卷十二

欽定四庫全書

文忠集卷十三

宋 歐陽修 撰

居士集十三

律詩五十三首

送鄭革先輩賜第南歸

一本注革以累舉
年老恩賜出身

少年鄉譽歎才淹六十猶隨貢士函
握手親朋驚白髮還家閭里看青衫
閭涵空翠連衡阜門枕寒江落楚帆

試問塵埃勤斗祿何如琴酒老雲巖

和原父揚州六題

六一作五

時會堂二首

造貢茶所也

積雪猶封蒙頂樹驚雷未發建溪春中州地暖萌芽早

入貢宜先百物新

憶昔嘗修守臣職

余嘗守揚州歲貢新茶

先春自採兩旗開誰知

白首來辭禁得與金鑾賜一杯

自東門泛舟至竹西亭登崑丘入蒙谷戲題春貢

亭

崑丘蒙谷接新亭
畫舸悠悠春水生
欲覓揚州使君處
但隨風際管絃聲

竹西亭

十里樓臺歌吹繁
揚州無復似當年
古來興廢皆如此
徒使登臨一慨然

崑丘臺

訪古高臺半已傾
春郊誰

一作隨

從綵旗行喜聞車馬人

同樂慣聽笙歌鳥不驚

蒙谷

一徑崎嶇入谷中
翠條紅刺罨春叢
花深時有人相應
竹密初疑路不通

內直奉寄聖俞博士

千門鑰一作鎖

入斷人聲樓閣一作闕

沉沉夜氣生
獨直偏

知宮漏永稍寒尤一作猶

覺玉堂清霜雲映月
鱗鱗色風

葉飛空撼撼鳴犬馬力疲恩未報
坐驚時節已崢嶸

送梅龍圖公儀知杭州

萬室東南富且

一作號富

繁羨君風力有餘閒漁樵人樂江

湖外

一作上

談笑詩成罇俎間日暖梨花催美酒天寒桂

子落空山郵筒不絕如飛翼

一作雖然不得陪佳賞

莫惜新篇屢

往還

一作應有新篇慰病顏

送沈學士知常州

康

舊館芸香鎖寂寥齋舫東下入秋濤江晴風暖旌旗颺
木落霜清鼓角高吟就綵牋賓已醉舞翻紅袖飲方豪

平生粗得為州樂因羨君行首重搔

聖俞在南省監印進士試卷有兀然獨坐之歎因
思去歲同在禮闈慨然有感兼簡子華景仁

南宮官舍苦蕭條常憶羣居接僞寮古屋醉吟燈黯黯
畫廊愁聽雨蕭蕭殘春共約無虛擲一歲那知忽復銷
顧我心情又非昨祇思相伴老漁樵

奉答聖俞歲日書事

積雪照清晨東風冷著人年光向

一作隨

老速物意逐時

新貰酒閒邀客披裘共

一作自

探春猶能自

一作畧

勉強顧

我莫辭頻

夜聞春風有感奉寄同院子華紫微長文景仁

閨後春深雪始銷東風凌鑠勢方豪陽生草木黃泉動
冰破江湖白浪高未報國恩嗟病骨可憐身事一魚舠
少年自與芳菲競莫笑衰翁擁弊袍

病告中懷子華原父

狂來有意與春爭老去心情漸不能世味惟存詩淡泊

生涯半為病侵陵花明曉日繁如錦酒撥浮醅綠似澠
自是少年豪橫過而今癡鈍若寒蠅

奉酬長文舍人出城見示之句

春分臘雪未全銷凜冽春寒氣尚驕攝事初欣迎社鷺
尋芳因得過溪橋清浮酒蟻醅初撥暖入鶯篁舌漸調

興味愛君年尚少莫嫌齋禁

一作齋館

暫無憊

唐崇徽公主手痕和韓內翰

故鄉飛鳥尚啁啾何況悲笳出塞愁青塚埋魂知不返

翠崖遺迹為誰留
玉顏自古為身累
肉食何人與國謀
行路至今空歎息
巖花澗草自春秋

答和閣老劉舍人雨中見寄

花間鳥語愁泥滑
屋上鳩鳴厭雨多
坐見殘芳一作芳春一

如此可憐吾意已
蹉跎蕭條兩鬢霜
後草潏潏十分金

卷荷此物猶能慰
衰老一作病稍晴相約屢相過

寄閣老劉舍人

夢寐江西未得歸
誰憐蕭颯鬢毛衰
莓苔生壁圖書室

風雨閉門桃李時得酒雖能陪笑語老年其實厭追隨
明朝雨止花應在又踏春泥向鳳池

詳定幕次呈同舍

嘉祐四年御試進士時詳定卷子幕次在崇政殿後

來時宮柳綠初勻坐見紅芳幾番新蜂蜜滿房花結子
還家何處覓殘春

禁中見鞞紅牡丹

洛中花之奇者也

盛遊西洛方年少晚落南譙號醉翁白首歸來玉堂署

一作上君王殿後見鞞紅

和江鄰幾學士桃花

用其韻時在崇政殿後詳定幕次

草上紅多枝上稀芳條

一作苞

綠萼憶來時見桃著子始

歸後誰道仙花開落遲

送襄陵令李君

綠髮襄陵新長官面顏雖老渥如丹

君服何首烏鬚髮皆黑顏容如少時

折腰聊為五斗屈把酒猶能一笑歡紅棗林繁欣歲熟

紫檀皮軟禦春寒民淳政簡居多樂無苦思歸欲掛冠

景靈宮致齋

攝事衰年力不彊誰憐岑寂卧齋坊

一作房

青苔點點無

人迹綠葉陰陰覆砌涼玉宇清風來處遠仙家白日靜
中長却視九衢車馬客自然顏鬢易蒼蒼

夏享太廟攝事齋宮聞鶯寄原甫

四月田家麥穗稠桑枝生榭鳥啁啾鳳城綠樹知多少
何處飛來黃栗留

田家謂麥熟時鳴者為黃栗留出詩義

送王平甫下第

安國

歸袂搖搖心浩然曉船鳴鼓轉風灘朝廷失士有司耻

貧賤不憂君子難執手聊須為醉

一作酒

別還家何以慰

親懽自慙知子不

一作未

能薦白首胡為侍從官

對雪十韻

對雪無佳句端居正杜門人閒見初

一作初見

落風定不勝

繁可喜輕明質都無剪刻痕鋪平失池沼飄急響窻軒

惜不搖嘉樹衝宜走畫轅寒欺白酒嫩暖

一作老

愛紫貂

溫遠霑銷如洗愁雲晚更屯兒吟鵲鳳語翁坐凍鴟蹲

病思驚殘歲朋歡賴酒

一作一

罇稍晴春意動誰與探名

園

和武平學士歲晚禁直書懷五言二十韻

用其韻

多病淹殘歲初寒卧直廬朝廷務清靜鈴索少文書嚮
學今為盛優賢古莫如靚深嚴禁署一作閤閒宴樂羣居

賜馬聯金絡清塵侍玉輿討論三代盛獻納萬機餘號
令存寬大文章復古初笑談揮翰墨俄頃列瓊琚夜漏
銷宮燭春暉上玉除詩唐李杜言語漢嚴徐自顧追
時彥多慙不鄙予無鹽煩刻畫寒谷借吹噓朋友飛雖

驚君臣在藻魚貪榮同衛鶴取笑類黔驢皎皎心雖在
蕭蕭髮已疎未知論報効安得遂樵漁雲破西山出江
橫畫閣虛餘生歎勞止搔首念歸歟引綬誇民吏推牛
會里閭一麾終得請此計豈躊躇

答西京王尚書寄牡丹

新花來遠喜開封呼酒看花興未窮年少曾為洛陽客
眼明重見魏家紅却思初赴青油幕自笑今為白髮翁
西望無由陪勝賞但吟佳句想芳叢

應制賞花釣魚

絳闕晨霞

一作光

照霧開輕塵不動翠華來魚遊碧沼涵

靈德花馥清香薦壽杯夢聽鈞天聲杳默日長化國景
徘徊自慙擊壤音多野帝所賡歌亦許陪

清明賜新火

魚鑰侵晨放九門天街一騎走紅塵桐華應候催佳節
榆火推恩忝侍臣多病正愁錫粥冷清香但愛蠟烟新
自憐慣識金蓮燭翰苑曾經七見春

明堂慶成

辰火天文次臯門路寢閼奉親昭孝德惟帝饗精誠禮
以三年講時因萬物成九筵嚴太室六變導和聲象魏
中天起風雷大號行歡呼響山岳流澤浹根莖寶墨飛
雲動金文耀日晶從臣才力薄無以頌休明

羣玉殿賜宴

一本作謝上
賜飛白書

至治臻無事豐年樂有成圖書開秘府宴飫

一作飲

集羣

英論道皇墳與貽謀

一作謨

寶訓明九重多暇豫八體極

研精筆力千鈞勁毫端萬象生飛牋金灑落拜賜玉鐙
鳴盛際崇儒學愚臣濫寵榮惟能同舞獸聞樂識和聲

永昭陵挽詞三首

仁宗

與子雖天意知人昔帝難一言謀早定九鼎勢先安大
舜仁由性成湯治以寬孤臣恩未報清血但沆瀾

干戈不用臻無事朝野多歡樂有年便坐看揮飛白筆

侍臣新和栢梁篇衣冠忽見藏原廟蕭

一作
笳

鼓愁聞向

洛川寂寞秋風羣玉殿還同恍惚夢鈞天

行殿沉沉盡翬重淒涼挽鐸出深宮攀號不悟龍胡遠
侍從猶穿豹尾中日薄山川長起霧天寒松柏自生風
斯民四十年涵煦耕鑿安知荷帝功

續作永昭陵挽詞五首

王者居尊本無外由來天下以為家六龍白日乘雲去
何用金錢買道車

苦霧霏霏著彩旗猶排吉仗雜凶儀常時鳳輦行遊處
今日龍輜慟哭隨

都人擾擾塞康莊西送靈車過苑牆金鼎樂成龍已去
人間惟有鼠拖腸

素幕悠悠逗曉風行隨哀挽出深宮妃嬪莫向蒼梧望
雲覆昭陵洛水東

叨陪法從最多年慣聽梨園奏管絃從此無因瞻黼座
惟應魂夢到鈞天

赴集禧宮祈雪追憶從先皇駕幸泣然有感

琳闕宮宮倚瑞烟憶陪遊豫入新年雲深曉日開宮殿

水閣春風颺管絃，千騎清塵回輦路。
萬家明月放燈天，一朝人事淒涼改。
惟有靈光獨巋然。

夜宿中書東閣

翰林平日接羣公，文酒相歡慰病翁。
白首歸田徒墨蹟，

作空

有約黃扉論道愧無功。
攀髯路斷三山遠，憂國心危百箭攻。
今夜靜聽丹禁漏，尚疑身在玉堂中。

送王學士赴兩浙轉運

京本作送王勝之兩浙運使

漢家財利析秋毫，暫屈清才豈足勞。
邑屋連雲盈萬井，

舳舻銜尾列千艘春寒欲盡黃梅雨海浪高翻白鷺濤
平昔壯心今在否江山猶得助詩豪

早朝

闔闔初開瑞霧中丹霞曉日上蒼龍鳴鞭響徹廊千步
佩玉聲趨戟百重雪後朝寒猶凜冽柳梢春意已丰茸
少年自結芳菲侶老病惟添睡思濃

下直

宮柳街槐綠未齊春陰不解宿雲低輕寒漠漠侵駝褐

小雨班班作鷺泥報國無功嗟已老歸田有約一作一

何稽終當自駕柴車去獨結茅廬潁水西

齋宮尚有殘雪思作學士時攝事于此嘗有聞鷺
詩寄原父因而有感四首

雪壓枯條脉未抽春寒慄慄作春愁却思綠葉清陰下
來此曾聞黃栗留

老來何與青春事閒處方知白日長自恨乞身今未得
齒牙浮動鬢蒼浪

兩京平日接英髦不獨詩豪酒亦豪休把青銅照雙鬢
君謨今已白刁騷

詩篇自覺隨年老酒力猶能助氣豪興味不衰惟此爾
其餘萬事一牛毛

攝事齋宮偶書

一作齋
夕感事

齋宮岑寂偶偷閒猶覺閒中興未闌美酒清香銷晝景
冷風殘雪作春寒丹心未死惟憂國白髮盈簪盍掛冠
誰為寄聲清潁客此生終不負漁竿

早朝感事

踈星半落曉光微殘月蒼龍闕角西玉勒爭門隨仗入

牙牌當殿報班齊羽儀雖接駕燕鷺野性終存鹿與麋

笑殺汝陰常處士

墨蹟作雲
林高卧客

十年騎馬聽朝

音鷄

集禧謝雨

十里長街五鼓催泥深雨急馬行遲卧聽竹屋蕭蕭響
却憶滁州睡足時

下直呈同行三公

午漏聲初轉歸鞍路偶同天清黃道日街潤綠槐風萬國
舟車會中天象魏雄戢戈清四海論道屬三公自愧陪
羣彥從來但樸忠時平容竊祿歲晚歎衰翁買地淮山
北垂竿潁水東稻梁雖可戀吾志在冥鴻

東閣雨中

直閣時偷暇幽懷坐獨哦綠苔人迹少黃葉雨聲多雲
結愁陰重風傳禁漏過瑤圖新嗣聖玉塞久包戈相府
文書簡豐年氣候和還將鳳池句聊雜野人歌


四月十七日景靈宮奉迎仁宗皇帝御容有感

行殿我我出綠槐琳房芝闕聳

一作竦

崔嵬管絃飄落人

間去幢節疑從天上來基業百年傳聖子黔黎四紀樂
春臺孤臣不得同鍼虎未死心先冷若灰



文忠集卷十三